

**Izvještaj o radu Ministarstva unutrašnjih poslova Kantona Sarajevo za period
januar - septembar 2014.godine**

KRIMINALITET

STATISTIČKI PRIKAZ KRIMINALITETA

U prvih devet mjeseci 2014. godine u odnosu na isti period prethodne godine, kriminalitet na području Kantona Sarajevo posmatrano kroz statističke pokazatelje, karakteriše smanjenje broja registrovanih krivičnih djela za 6,9%, prijavljenih lica za 8,1%, maloljetnih izvršilaca krivičnih djela za 20%, povratnika u činjenju krivičnih djela za 7,8% i lica lišenih slobode za 1,2%.

U periodu januar - septembar 2014. godine, registrovano je 4.551-no krivično djelo što je za 336 djela ili 6,9% manje u odnosu na period januar - septembar 2013. godine. U 1.451-nom slučaju (31,9% od ukupnog broja djela), krivična djela su izvršena od strane poznatih izvršilaca, a 3.100 krivičnih djela (ili 68,1%), prijavljeno je po nepoznatom, od kojih su za 1.444 naknadno otkriveni izvršioci (ili 46,6% od ukupnog broja prijavljenih djela po nepoznatom), što znači da su u izvještajnom periodu, za ukupno 2.895 krivičnih djela identifikovani osumnjičeni izvršioci ili 63,6% što je za 0,7% više u odnosu na uporedni period.

Za izvršenje navedenih djela prijavljeno je 2.179 lica, od kojih je 1.426 povratnika (ili 65,4% prijavljenih), 108 maloljetnika, a 972 lica su lišena slobode (ili 44,6%).

Uporedni pokazatelji kriminaliteta na području Kantona Sarajevo
u periodu januar – septembar 2014/13. godine prema glavama Krivičnog zakona FBiH-a i BiH-a

KRIVIČNA DJELA	januar-septem. 2014.	jan.-sept. 2013.	uporedba br.KD		“rasvijetljenost” jan.-sept. 2014.	
			+ / -	%	br. KD	%
Protiv ustavnog poretka Federacije	0	1	-1	---	0	---
Protiv života i tijela	131	126	5	4%	118	90,1%
Protiv slobode i prava čovjeka i građanina	133	184	-51	-27,7%	128	96,2%
Protiv spolne slobode i morala	14	7	7	100%	13	92,9%
Protiv braka, porodice i mladeži	230	182	48	26,4%	230	100%
Protiv zdravlja ljudi	226	208	18	8,7%	226	100%
Protiv privrede, poslovanja i sigurnosti pla.	8	1	7	700%	8	100%
Protiv imovine	3348	3640	-292	-8%	1749	52,2%
Protiv okoliša	4	4	0	ISTO	3	75%
Protiv opće sigurnosti ljudi i imovine	82	102	-20	-19,6%	54	65,9%
Protiv sigurnosti javnog prometa	42	66	-24	-36,4%	41	97,6%
Protiv pravosuđa ¹		19	16	3	18,8%	20
105,3% Protiv javnog reda i pravnog prometa	235	254	-19	-7,5%	226	96,2%
Protiv podmić. i kd protiv sl. i druge odgo..	6	7	-1	-14,3%	6	100%
Protiv privrede i jedin. tržišta te...(KZBiH)	5	2	3	150%	5	100%
Dogovor, pripremanje, udruživanje i	0	4	-4	---	0	---

organizirani kriminal (KZ BiH)						
ZOSNINPNSP-a (Sl.novine KS br.7/07)	0	1	-1	---	0	---
ZONDINOM-a (Sl.novine KS br.38/07)	68	82	-14	-17,1%	68	100%
UKUPNO	4551	4887	-336	-6,9%	2895	63,6%

U odnosu na period januar – setembar 2013. godine, manji je broj, prijavljenih lica za 191 (ili 8,1%), maloljetnika za 27 (ili 20%), povratnika za 120 (ili 7,8%) i lica lišenih slobode za 12 (ili 1,2%).

PREGLED KRIVIČNIH DJELA PO OBLASTIMA

KRIVIČNA DJELA PROTIV ŽIVOTA I TIJELA

U periodu januar – septembar 2014. godine prijavljeno je 131-no krivično djelo protiv života i tijela (što je za pet više u odnosu na isti period 2013. godine) od kojih je za 118 ili 90,1% poznat izvršilac. Zbog postojanja osnova sumnje da su ih počinili podneseni su službeni izvještaji protiv 142 lica, od kojih je 71 povratnik (ili 50%), a 49 je lišeno slobode.

Evidentirana su slijedeća krivična djela: ubistvo – pet djela (četiri više), ubistvo u pokušaju – devet (jedno manje), teška tjelesna ozljeda – 76 (osam više), lahka tjelesna ozljeda – 36 djela (isti broj) i učestvovanja u tuči – pet djela (četiri djela manje).

Krivična djela **ubistvo iz člana 166. KZ FBiH-a (pet djela)** izvršena su upotrebom noža u dva slučaja, udarcima tvrdim predmetom, gušenjem i upotrebom vatrenog oružja (automatska puška) – po jednom

Krivična djela **ubistvo u pokušaju** (devet djela) izvršena su upotrebom noža – pet puta i upotrebom pištolja – četiri puta.

KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirana su 133 djela (51 manje) i to: ugrožavanje sigurnosti – 129 djela, protupravno lišenje slobode i narušavanje nepovredivosti doma – po dva djela. Zbog izvršenja navedenih djela prijavljeno je 121 lice od kojih su 82 povratnika u činjenju krivičnih djela (ili 67,8%), a 31 je lišeno slobode.

Sva djela ugrožavanja sigurnosti počinjena su upućivanjem verbalnih prijetnji, pisanjem poruka prijetećeg sadržaja i sl. bez težih posljedica po oštećene.

KRIVIČNA DJELA PROTIV SPOLNE SLOBODE I MORALA

Iz oblasti krivičnih djela protiv spolne slobode i morala prijavljeno je 14 djela (sedam više) i to: bludne radnje – šest, silovanje – tri, spolni odnošaj sa nemoćnom osobom, spolni odnošaj s djetetom, prinuda na spolni odnošaj, navođenje na prostituciju i iskorištavanje djeteta ili maloljetnika radi pornografije - po jedno djelo.

Za izvršenje djela iz ove oblasti prijavljeno je 15 lica, od kojih je 11 lišeno slobode i uz službene izvještaje predato nadležnom tužilaštvu.

KRIVIČNA DJELA PROTIV BRAKA, PORODICE I MLADEŽI

U ovoj oblasti registrovano je 230 krivičnih djela (48 više) i to: nasilje u porodici – 228 djela (47 više), zapuštanje ili zlostavljanje djeteta ili maloljetnika i povreda porodičnih obaveza – po jedno djelo. Službeni izvještaji podneseni su protiv 231-nog lica od kojih je 140 povratnika (ili 60,6%), a 146 je lišeno slobode.

KRIVIČNA DJELA PROTIV ZDRAVLJA LJUDI

U oblasti krivičnih djela protiv zdravlja ljudi, podneseni su službeni izvještaji protiv 228 lica od čega je 141 povratnika (ili 61,8%), zbog postojanja osnova sumnje da su počinili 226 krivičnih djela (18 više) i to:

- neovlašćena proizvodnja i stavljanje u promet opojnih droga – 46 djela (osam više),
 - posjedovanje i omogućavanje uživanja opojnih droga – 179 djela (devet više),
 - prenošenje zaraznih bolesti – jedno djelo (nije bilo ovih djela u uporednom periodu)
- Zbog zloupotrebe opojnih droga 117 lica je lišeno slobode (19 više).

Policijski službenici Uprave policije su Kantonalnom tužilaštvu Sarajevo podnijeli službene izvještaje protiv ukupno 55 lica zbog postojanja osnova sumnje da su u proteklom periodu neovlašćeno proizvodili, zatim kupovali opojnu („Amfetamin“, „Marihuanu“, itd.) od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga), te protiv 172 lica koji su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga („Marihuana“, „Amfetamin“, „Heroin“, itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

U ovom periodu podneseno je 105 zahtjeva za vještačenje NN materije koja asocira na drogu po naređenju nadležnih tužilaca Kantonalnog tužilaštva Kantona Sarajevo (isti broj). Takođe s ciljem pronalaženja narkotičkih sredstava izvršen je pregled 106 lica (15 manje), 52 stambena objekta (jedan više) i većeg broja automobila po usmenim naredbama Opštinskog suda u Sarajevu.

Pregled oduzete opojne droge

VRSTA OPOJNE DROGE	JANUAR-SEPTEMBAR 2014. GODINE	JANUAR-SEPTEMBAR 2013. GODINE
Marihuana (u gramima)	9.541,41	3.568,35
Marihuana (paketići)	125	173
Marihuana (JOINT–cigarete, kom.)	16	11
Hašiš (paketići)	2	2
Heroin (paketići)	6	205
Heroin (u gramima)	50,83	30
Cannabis sativa (stabljike)	98	15
Cannabis sativa (sjeme)	1080	50
Kokain (paketići)	1	18
Amfetamin (u gramima)	13.683,00	121
Amfetamin (paketići)	74	160
Morapid (tablete)	37	---
Suboxon (tablete)	1	---
Kapanol (tablete)	8	---
Pribor sa ostacima droge	67	70

U izvještajnom periodu pripadnici Uprave policije sproveli su niz efikasnih akcija na presijecanju "lanaca" trgovine opojnim drogama, što je rezultiralo zaplijenom veće količine opojnih droga Amfetamin – oko 13,7 kg, Marihuane – 9,5 kg, itd., te identifikacijom i lišenjem slobode 35 lica (13 više u odnosu na uporedni period) iz člana 238. KZ FBiH-a – Neovlašćena proizvodnja i stavljanje u promet opojnih droga.

KRIVIČNA DJELA PROTIV PRIVREDE, POSLOVANJA I SIGURNOSTI PLATNOG PROMETA

Iz oblasti krivičnih djela protiv „privrede“ prijavljeno je osam djela (sedam više) i to obmana pri dobijanju kredita ili drugih pogodnosti – četiri djela, prijevara u privrednom poslovanju, zloupotreba ovlasti u privrednom poslovanju, krivotvorenje kreditnih i ostalih kartica bezgotovinskog plaćanja i izrada, nabavka, posjed, prodaja i davanje na upotrebu sredstava za krivotvorenje – po jedno djelo. Za izvršenje ovih djela prijavljeno sedam lica, od kojih je šest povratnika u činjenju krivičnih djela.

KRIVIČNA DJELA PROTIV IMOVINE

Broj registrovanih krivičnih djela iz ove oblasti čini 73,6% ukupnog kriminaliteta. Naime, u periodu januar – septembar 2014. godine registrovano je 3.348 ovih djela što je za 292 ili 8% manje djela u odnosu na uporedni period.

Najbrojnija djela iz ove oblasti su: teške krađe – 1.958 (263 manje), krađe – 552 (58 manje), razbojništva – 426 (25 više), oštećenje tuđe stvari – 151 (četiri više), prijevara – 90 (26 više), teška krađa u pokušaju – 57 (četiri manje), utaja – 34 (14 manje), prikrivanje – 23 (jedno više), razbojnička krađa – sedam (dva manje), itd.

Za ukupno 1.749 djela ili 52,2% identifikovani su osumnjičeni izvršioc, što je u odnosu na isti period prethodne godine, povećanje za 0,6%.

Objekti napada pri vršenju krivičnih djela protiv imovine najčešće su bila motorna vozila (otuđenja motornih vozila i "provale" u ista) - 928 (33 manje), stambeni objekti – 563 puta (185 manje), prodavnice i drugi poslovni prostori 342 (30 manje), na ulici 89 (25 manje), itd., pri čemu su otuđivana motorna vozila, novac, nakit, tehnička roba, prehrambeni proizvodi, cigarete, građevinski materijal, kozmetika, željezni profili, itd. U prvih devet mjeseci ove godine na području Kantona Sarajevo izvršeno je 607 krivičnih djela teških krađa motornih vozila, od čega je 167 ili 27,5% vraćeno (od strane policije MUP Kantona Sarajevo vraćena su 63 vozila, MUP-a RS-a – 34, drugih MUP-ova – 19, uz novčanu nadoknadu – četiri i četiri vozila vlasnici su sami pronašli).

U odnosu na uporedni period broj otuđenih vozila, povećan je za 43 ili 7,6%.

Zbog postojanja osnova sumnje da su učestvovali u izvršenju otuđenja motornih vozila na području Kantona Sarajevo, nadležnom tužilaštvu podneseni su službeni izvještaji protiv 34 lica (34 manje) od kojih je 29 povratnika (ili 85,3%).

Na području Kantona Sarajevo u periodu januar -septembar 2014. godine registrovano je 426 krivičnih djela razbojništva² (25 ili 6,2% više).

Razbojništva su počinjena u prodavnicama i drugim poslovnim prostorima - 205 puta (11 više), u sportskim kladionicama – 101 (57 više), na ulici – 92 (19 manje), itd.

Navedena djela izvršena su prijetnjom upotrebe vatrenog oružja – 224 puta (35 više), prijetnjom i upotrebom noža ili drugog oštrog predmeta (komad stakla, šrafciiger i sl.) – 119 (osam više) i upotrebom fizičke snage – 83 puta (18 manje).

Za ukupno 187 ovih djela ili 43,9%, identifikovan je osumnjičeni izvršilac što je za 4,5% manje u odnosu na isti period 2013. godine.

Broj teških krađa na naročito opasan ili naročito drzak način u prvih devet mjeseci ove godine u odnosu na uporedni period znatno je smanjen. Naime, evidentirano je 100 djela ove vrste što je za 71 ili 41,5% manje.

Ukupno je rasvijetljeno 88 ovih djela ili 88% (18 % više), a za izvršenje ovih oblika teških krađa, prijavljena su 33 lica, od kojih je 26 povratnika (ili 78,8%), a 14 je lišeno slobode.

KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirana su 82 djela (20 manje) i to: izazivanje opće opasnosti – 73 djela, nesavjesno čuvanje pasa i drugih opasnih životinja – osam i nepropisno i nepravilno izvođenje građevinskih radova – jedno djelo. Zbog postojanja osnova sumnje da su počinili ova djela nadležnom tužilaštvu podneseni su službeni izvještaji protiv 55 lica, od kojih je 38 povratnika (ili 69,1%), a 34 su lišena slobode.

Krivična djela izazivanja opće opasnosti (73 djela) izvršena su na otvorenom prostoru – 69 puta, u garaži – dva, u stambenom objektu i prodavnici – po jednom. U 29 slučajeva otvorenim plamenom izazvan je požar, 14 puta aktivirana je nepoznata eksplozivna naprava, 29 puta je pucano iz vatrenog oružja i u jednom slučaju su nestručnim građevinskim radovima oštećeni plinski vodovi. Posljedica izvršenja navedenih djela je ranjavanje tri lica i nastala materijalna šteta.

KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovano je 235 krivičnih djela (19 manje) i to: nasilničko ponašanje - 83 djela, krivotvorenje isprave – 46, nedozvoljeno držanje oružja ili eksplozivnih materija – 40, napad na službenu osobu u vršenju poslova sigurnosti – 38, sprečavanje službene osobe u vršenju službene radnje i ovjeravanje neistinitog sadržaja - po šest, skidanje ili povreda službenog pečata ili znaka – pet, itd.

Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 251 lica, od kojih je 157 povratnika (ili 62,5%), a 100 je lišeno slobode.

KRIVIČNA DJELA POČINJENA OD STRANE MALOLJETNIH IZVRŠILACA

U periodu januar- septembar 2014. godine **prijavljeno je 108 maloljetnika** zbog postojanja osnova sumnje da su **izvršili 164 krivična djela**. U poređenju sa istim periodom 2013. godine, **broj krivičnih djela** za čije izvršenje su prijavljena maloljetna lica **smanjen je za 34 ili 17,2%**. **Broj prijavljenih maloljetnih učinilaca** ovih djela **smanjen je za 27 ili 20%**.

Pregled broja maloljetnih izvršilaca krivičnih djela za period januar-septembar 2014. godine, prema starosnoj strukturi

Starosna dob maloljetnika	do 14 god.	od 14 do 16 god.	od 16 do 18 god.	ukupno
Broj maloljetnih izvršilaca	17	50	41	108

Među maloljetnim učinocima krivičnih djela, najveći broj je u dobi do 16 godina (67), dok je povratnika u izvršenju krivičnih djela 37 (ili 34,3%).

Najbrojnija su krivična djela protiv imovine – 105 (ili 64%), pri čemu prevladavaju teške krađe (41 ili 39%), razbojništva (18 ili 17,1%) i teške krađe na naročito drzak i opasan način (15 ili 14,3%). U odnosu na isti period prošle godine, u proteklih devet mjeseci znatno je smanjen broj krivičnih djela razbojništva (za osam ili 30,8%), zatim teških krađa na naročito drzak i opasan način (za šest ili 28,6%), te krađa (za tri ili 21,4%).

Kada su u pitanju krivična djela protiv života i tijela, maloljetnici su prijavljeni za izvršenje 17 krivičnih djela iz ove oblasti i to: ubistvo u pokušaju-jedno djelo, nanošenje teške tjelesne povrede-devet, nanošenje lahke tjelesne povrede-šest i učestvovanje u tuči-jedno djelo.

Pregled registrovanih krivičnih djela izvršenih od strane maloljetnih lica za period januar- septembar 2014/2013. godine

Naziv krivičnog djela	jan.-sept. 2014.	jan.-sept. 2013.	+ - %
Ubistvo u pokušaju	1	1	0,0
Teška tjelesna povreda	9	11	-18,2
Teška tjelesna povreda-pomaganje	0	1	-100,0
Lahka tjelesna povreda	6	2	+200,0
Učestvovanje u tuči	1	2	-50,0
Ugrožavanje sigurnosti	1	5	-80,0
Silovanje	1	0	
Nasilje u porodici	7	3	+133,3
Neovlaš. proizvod. i stav. u promet opojnih droga	0	1	-100,0
Posjedov. i omoguć. uživanja opoj. droga	15	10	+50,0
Krađa	11	14	-21,4
Teška krađa	41	56	-26,8
Teška krađa-pokušaj	4	6	-33,3
Teška krađa na naroč. opasan ili naročito drzak način	15	21	-28,6
Razbojništvo	18	26	-30,8
Razbojništvo- pokušaj	2	4	-50,0
Razbojništvo-pomaganje	2	0	
Utaja	0	3	-100,0
Oštećenje tuđe stvari	10	7	+42,9
Iznuda	0	1	-100,0
Paljevina	2	0	
Izazivanje opće opasnosti	2	3	-33,3
Nesavjesno čuvanje pasa i dr. opasnih životinja	0	1	-100,0
Učestvovanje u grupi ljudi koja učini krivično djelo	2	0	
Teška krivična djela protiv sigurnosti javnog prometa	0	2	-100,0
Pomoć učinitelju poslije učinjenog krivičnog djela	0	1	-100,0
Sprečavanje sl. osobe u vršenju službene radnje	0	1	-100,0
Napad na sl. osobu u vršenju poslova sigurnosti	7	2	+250,0

Nasilničko ponašanje	3	8	-62,5
Nedozvoljeno držanje oružja i eksp. materija	2	3	-33,3
Povreda mira pokojnika	1	1	0,0
Krivotvorenje novca (čl 205 KZ BiH)	0	1	-100,0
ZONDINOM (čl. 52)	1	1	0,0
ukupno	164	198	-34 ili -17,2

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U periodu januar-septembar 2014. godine na području Kantona Sarajevo registrovano je 20 slučajeva aktiviranja minsko-eksplozivnih sredstava (jedan slučaj manje u odnosu na isti period 2013. godine) od kojih je 18 imalo obilježja krivičnog djela izazivanja opće opasnosti. U šest ovakvih slučajeva izvršiooci su identifikovani i protiv njih su preduzete odgovarajuće zakonske mjere.

Kada su u pitanju posljedice koje su nastupile aktiviranjem eksplozivnih naprava, u jednom slučaju je smrtno stradalo jedno lice (samoubistvo), u drugom su prilikom izvođenja radova na lokalnom putu, na području Trebevića, usljed aktiviranja nepoznate eksplozivne naprave, dva lica zadobila teške, a dva lahke tjelesne ozljede i u trećem slučaju je jedno lice zadobilo tešku tjelesnu ozljedu nakon što je aktiviralo ručnu bombu (protiv ovog lica su preduzete zakonske mjere). U ostalim slučajevima nastupila je materijalna šteta na poslovnim i stambenim objektima, te na putničkim vozilima.

Policijski službenici su rasvijetlili i dva slučaja aktiviranja eksplozivnih naprava iz mjeseca maja i oktobra 2013. godine, a protiv učinilaca su podneseni službeni izvještaji nadležnom tužilaštvu zbog osnova sumnje da su izvršili krivično djelo izazivanje opće opasnosti (čl. 323 KZ FBiH).

U proteklih devet mjeseci ove godine registrovano je osam anonimnih dojava o postavljenim eksplozivnim napravama (u istom periodu 2013. godine sedam), koje su se uglavnom odnosile na škole. Nakon KDZ pregleda utvrđeno je da su dojave bile lažne. Policijski službenici su identifikovali lice koje je uputilo dojavu o eksplozivnoj napravi u zgradi Vlade Federacije BiH i protiv njega je nadležnom tužilaštvu podnesen službeni izvještaj zbog osnova sumnje da je počinio krivično djelo iz člana 183 KZ FBiH (ugrožavanje sigurnosti).

POŽARI

Tokom perioda januar-septembar 2014. godine, na području Kantona Sarajevo registrovan je 121 požar (30 više) u kojem je jedno lice poginulo.

Prema statističkim pokazateljima, 46 požara je izazvano namjerno, 14 zbog tehničkih nedostataka, osam je prouzrokovano nehatom, dok uzroci 53 požara spadaju u kategoriju ostalih.

Zbog izazivanja požara nadležnom tužilaštvu je podneseno 36 službenih izvještaja: 29 iz člana 323 KZ FBiH (izazivanje opće opasnosti) i sedam iz člana 301 KZ FBiH (paljevina).

SAMOUBISTVA

U periodu januar - septembar 2014. godine na području Kantona Sarajevo registrovano je 25 samoubistava (osam manje), koja su počinjena: vješanjem – deset puta, skakanjem sa visine – sedam, upotrebom vatrenog oružja i presijecanjem vena – po dva, bacanjem pod voz, aktiviranjem ručne bombe, samoklanjem i trovanjem – po jedno.

Prema spolu, izvršioци su 20 muškaraca i pet žena, od kojih su dva lica u dobi do 18 do 30 godina, 11 lica od 30 do 50 godina i 12 lica u dobi preko 50 godina.

JAVNI RED I MIR

Policijski službenici su u periodu januar-septembar 2014. godine, zbog raznih oblika narušavanja javnog reda i mira uručili/ podnijeli ukupno **4.101** prekršajni **nalog i zahtjev** za pokretanje prekršajnog postupka (naloga – 2.795, zahtjeva – 1.306), što u odnosu na isti period 2013. godine predstavlja **smanjenje za 182 ili 4,2%**. Prekršajne sankcije preduzete su **protiv 4.441 lica (268 ili 5,7% manje)**.

Od ukupnog broja prekršajnih sankcija, 3.834 ili 94,5% odnosi se na prekršaje utvrđene Zakonom o prekršajima protiv javnog reda i mira, a 267 ili 5,5% na prekršaje utvrđene Odlukom općinskih vijeća o javnom redu i miru.

Na povratnike u izvršenju prekršaja odnose se 552 ili 13,5% prekršajnih sankcija, 39 ili 1% na maloljetna lica i 10 ili 0,2% na strane državljane.

S obzirom na starosnu strukturu lica protiv kojih su u proteklih devet mjeseci ove godine preduzete prekršajne sankcije (ukupno 4.441), najveći broj je onih starosne dobi preko 36 godina (2.407), zatim starosti između 26 i 35 godina (1.169) i između 19 i 25 godina (810), dok je maloljetnih učinilaca prekršaja bilo 55 i oni su javni red i mir narušavali uglavnom tučama.

Prilikom narušavanja javnog reda i mira u periodu januar-septembar 2014. godine, u slučajevima kada se radilo o prekršajima, teže su povrijeđena četiri lica (u uporednom periodu jedno), dok je lakše povrijeđeno 289 lica (dva ili 0,7% više).

Pregled broja uručenih/podnesenih naloga i zahtjeva za pokretanje prekršajnog postupka za period januar-septembar 2014. godine, po mjesecima

januar-septembar 2012.	prekršajni nalozi	zahtjevi za ppp	ukupno
januar	404	119	523
februar	229	113	342
mart	264	126	390
april	303	89	392
maj	330	149	479
juni	449	179	628
juli	502	178	680
august	286	120	406
septembar	28	233	261
ukupno	2.795	1.306	4.101

Potrebno je istaći da se najveći broj prekršajnih sankcija koje su imali službenici policijskih stanica Centar i Stari Grad odnosi na prekršaje učinjene prosjačenjem (1.777 ili 71,3%), što je rezultat pojačanih aktivnosti na suzbijanju ovog oblika narušavanja javnog reda i mira, koje je najizraženije na području ove dvije općine, posebno u vrijeme turističke sezone, vjerskih i drugih manifestacija.

U periodu januar-septembar 2014. godine, prema pokazateljima o prekršajima kojima se narušava javni red i mir, u odnosu na isti period 2013. godine,

Prema strukturi prekršaja iz oblasti javnog reda i mira, najbrojnija su **prosjačenja - 2.106** (ili 51,4% od ukupnog broja), zatim **tuče - 526** (ili 15,1%), **naročito drsko ponašanje - 477** (ili 12,1%) i odbijanje naređenja i omalovažavanje policijskih službenika - **299** (ili 5,3%). Znatno manje prekršaja učinjeno je svađom, vikom i nepristojnim ponašanjem-66; paljenjem petardi-12, uživanjem opojne droge na javnom mjestu – sedam, te neovlaštenom upotrebom oružja –dva.. Zbog svih ostalih prekršaja preduzeto je 339 prekršajnih sankcija.

Tabelarni pregled strukture prekršaja iz oblasti javnog reda i mira
za period januar-septembar 2014./ 2013.godina

STRUKTURA PREKRŠAJA	januar- septembar 2014.	januar- septembar 2013.	+ - %
UKUPNO NALOGA I ZAHTJEVA	4.101	4.283	-4,2
UKUPNO LICA	4.441	4.709	-5,7
Prekršaji iz Zakona o prekršajima protiv JRiM:	3.834	3.902	-1,7
<i>-Tuče</i>	526	651	-19,2
<i>-Naročito drsko ponašanje</i>	477	531	-10,2
<i>-Odbijanje naređenja i omalov. služb. policije</i>	299	349	-14,3
<i>-Svađa, vika, nepristojno ponašanje</i>	66	118	-52,0
<i>-Uživanje opojne drogeni javnom mjestu</i>	7	0	
<i>-Neovlaštena upotreba oružja</i>	2	7	-71,4
<i>-Paljenje petardi</i>	12	15	-20,0
<i>-Prosjačenje</i>	2.106	1.762	+19,5
<i>-Ostali prekršaji iz Zakona o prekrš. protiv JRiM</i>	339	469	-27,7
Prekršaji prema Odluci OV o JRiM	267	381	-29,9

U odnosu na isti period 2013. godine, povećan je samo broj prekršaja koji su učinjeni prosjačenjem, dok je u svim ostalim slučajevima došlo do smanjenja broja prekršaja.

Prema mjestu izvršenja, najveći broj prekršaja učinjen je na **ulici i na drugim otvorenim prostorima- 3.666 (ili 89,6%)**, a znatno manje u ugostiteljskim objektima- 115 (ili 2,3%), u školama- 19, vozilima javnog saobraćaja- 17, u trgovinskim i zanatskim radnjama- 17, na sportskim terenima- šest i na ostalim mjestima- 261 prekršaj.

U odnosu na isti period 2013. godine, u proteklih devet mjeseci ove godine neznatno je povećan broj prekršajnih sankcija zbog prekršaja kojima se narušava javni red i mir na ulici i drugim otvorenim prostorima, dok je na svim ostalim mjestima došlo do smanjenja tog broja.

Pored prekršajnih sankcija zbog prekršaja izvršenih u školama i školskim dvorištima, policijski službenici su u periodu januar-septembar 2014. godine zbog krivičnih djela izvršenih na ovom lokalitetu, nadležnom tužilaštvu podnijeli 13 službenih izvještaja (12 manje u odnosu na isti period 2013. godine).

Policijski službenici su u proteklih devet mjeseci 2014. godine učestvovali u osiguranju 1.724 javna skupa koji su održani na području Kantona Sarajevo (22 više u odnosu na isti period 2013. godine), a u 313 slučajeva izvršeno je KDZ osiguranje ovih skupova (61 manje). Preduzimane su planske i organizovane aktivnosti kako bi svi skupovi, kao što su sportske, kulturne i druge manifestacije, protestna okupljanja

građana, kao i skupovi kojima se obilježavaju događaji iz prošlosti, protekli bezbjedno.

Do narušavanja javnog reda i mira u većem obimu došlo je prilikom održavanja nogometne utakmice između FK „Sarajevo“ i FK „Željezničar“, dana, 26.3.2014. godine na stadionu „Asim Ferhatović Hase“, na taj način što su navijači koji su se nalazili na južnoj tribini stadiona počeli lomiti i bacati stolice i druge tvrde predmete u pravcu policijskih službenika koji su osiguravali ovu utakmicu. Policijski službenici su ograničenom intervencijom potisnuli navijače udaljavajući ih od stadiona i sprečavajući direktne sukobe između navijača oba tima. Međutim, nasilničko ponašanje grupe navijača nastavljeno je i ispred stadiona, kao i tokom njihovog udaljavanja ulicom Alipašina kada su počeli sa izvlačenjem kontejnera na saobraćajnicu, uništavanjem saobraćajnih znakova i napadima na policijske službenike.

Ovom prilikom povrijeđeno je 11 policijskih službenika, od kojih je jedan teško povrijeđen, dok je 10 zadobilo lakše tjelesne povrede, a oštećeno je i službeno vozilo MUP-a Kantona Sarajevo.

PROTESTI GRAĐANA

Policijski službenici MUP-a Kantona Sarajevo su u proteklih devet mjeseci 2014. godine profesionalno, planski i u skladu sa Zakonom, poštujući sva prava građana, vršili osiguranje protestnih okupljanja građana. U većini slučajeva protesti su protekli bez ozbiljnijih incidenata. Međutim, protesti koji su otpočeli 07. februara ove godine, ispred zgrade Vlade Kantona Sarajevo u kojima je učestvovalo nekoliko hiljada građana, prerasli su u napade na policijske službenike i uništavanje objekata, putničkih motornih vozila i saobraćajne infrastrukture, te činjenje teških krađa u poslovne i trgovinske objekte. Usljed nasilničkog ponašanja grupa i pojedinaca povrijeđeno je 144 policijskih službenika, od kojih su 132 lakše, a 12 teže povrijeđena, a od ovog broja teže povrijeđenih njih 6 je zadržano na daljem liječenju. Tri službena motorna vozila su znatno oštećena, te velika količina opreme. Također, povrijeđeno je i 138 protestanata.

Oštećeno je i zapaljeno više objekata, zgrada općine Centar, Vlade Kantona Sarajevo, Predsjedništva BiH i Ministarstva vanjskih poslova. Zapaljeno je i više putničkih motornih vozila koja su bila parkirana u neposrednoj blizini. O svim događajima obaviješteno je Kantonalno tužilaštvo u Sarajevu i Tužilaštvo Bosne i Hercegovine čiji tužitelji su rukovodili uviđajima na mjestu događaja. Policijski službenici MUP-a KS su protiv 39 izgređenika – učesnika protesta, podnijeli službene izvještaje nadležnom tužilaštvu zbog osnova sumnje da su počinili sljedeća krivična djela: učestvovanje u grupi ljudi koja učini krivično djelo (čl. 341 KZ FBiH), nasilničko ponašanje (čl. 362 KZ FBiH), napad na službenu osobu u vršenju poslova sigurnosti (čl. 359 KZ FBiH), sprečavanje službene osobe u vršenju službene radnje (čl. 358 KZ FBiH), oštećenje tuđe stvari (čl. 293 KZ FBiH) i teška krađa (čl. 287 KZ FBiH).

Protesti su nastavljeni i u toku mjeseca februara i marta ove godine, ali tom prilikom nije bilo ozbiljnijih incidenata niti narušavanja javnog reda i mira u većem obimu.

Protestanti su svakodnevno mjesec dana u isto vrijeme blokirali najprometniju raskršnicu u centru grada i tako onemogućili normalno odvijanje saobraćaja. Početkom mjeseca marta ove godine, policijski službenici su u cilju nesmetanog

odvijanja saobraćaja i normalizovanja stanja, bez upotrebe sile spriječili dalju blokadu saobraćajnica, tako da su protesti nastavljani na trotoaru preko puta Predsjedništva BiH. Tom prilikom, svakodnevno se okuplja u prosjeku oko 10-tak građana, a protesti se odvijaju bez incidenata.

SAOBRAĆAJ

Tokom perioda januar-septembar 2014. godine, stanje sigurnosti saobraćaja karakteriše povećanje ukupnog broja saobraćajnih nezgoda, nezgoda sa materijalnom štetom, sa nastradalim licima i broja povrijeđenih lica, dok je smanjen broj poginulih lica.

Registrovane su 7.953 saobraćajne nezgode (196 ili 2,5 % više), 7.272 sa materijalnom štetom (187 ili 2,6 % više) i 681 sa nastradalim licima (devet ili 1,3 % više).

U saobraćajnim nezgodama na području Kantona Sarajevo 909 lica je nastradalo (30 ili 3,4 % više). Petnaest lica je poginulo (pet ili 25 % manje), dok su 894 lica povrijeđena (35 ili 4,1 % više), 132 teže i 762 lakše.

Među poginulim licima je evidentirano osam pješaka, pet vozača i dva putnika. Od ukupno 894 povrijeđena lica, 434 su vozača (64 više), putnika – 294 (10 više) i pješaka - 166 (39 manje). Kada je u pitanju stepen povreda, 43 vozača su teže, a 391 lakše povrijeđen, 32 putnika su teže, a 262 lakše povrijeđena, dok je 57 pješaka teže i 109 lakše povrijeđeno.

U naselju su registrovane 7.574 saobraćajne nezgode (13 sa poginulim, 618 sa povrijeđenim licima i 6.943 sa materijalnom štetom), van naselja 379 nezgoda (jedna sa poginulim, 49 sa povrijeđenim licima i 329 sa materijalnom štetom).

Registrovane su 2.334 saobraćajne nezgode na raskrsnicama u naselju, 42 na raskrsnicama van naselja, 26 na nadvožnjaku, 15 na pješačkom prelazu, 11 na prelazu preko željezničke pruge, tri na mostu, na podvožnjaku i u tunelu – po jedna i 5.520 saobraćajnih nezgoda čije se karakteristike puta ubrajaju u kategoriju ostalih.

Uporedni pokazatelji sigurnosti saobraćaja na području Kantona Sarajevo
januar-septembar 2014/2013 godine

	2014	2013	+,-,%
UKUPNO SAOBRAĆAJNIH NEZGODA	7.953	7.757	+ 196 ili 2,5 %
Saobraćajne nezgode sa nastradalim licima	681	672	+ 9 ili 1,3 %
Saobraćajne nezgode sa materijalnom štetom	7.272	7.085	+ 187 ili 2,6 %
POGINULO LICA	15	20	- 5 ili 25 %
- vozači	5	6	- 1 ili 16,7 %
- putnici	2	2	isto
- pješaci	8	12	- 4 ili 33,3 %
POVRIJEĐENO LICA	894	859	+ 35 ili 4,1 %
- vozači	434	370	+ 64 ili 17,3 %
- putnici	294	284	+ 10 ili 3,5 %
- pješaci	166	205	- 39 ili 19 %

Broj nastradalih lica u saobraćajnim nezgodama po kategoriji učesnika
januar- septembar 2014/2013. godine

	POGINULI			TEŠKO POVRIJEĐENI			LAKŠE POVRIJEĐENI		
	2014	2013	+,-,%	2014	2013	+,-,%	2014	2013	+,-,%
VOZAČI	5	6	- 1 ili 16,7 %	43	36	+ 7 ili 19,4 %	391	334	+ 57 ili 17,1 %
PUTNICI	2	2	isto	32	28	+ 4 ili 14,3 %	262	256	+ 6 ili 2,3 %
PJEŠACI	8	12	- 4 ili 33,3 %	57	56	+ 1 ili 1,8 %	109	149	- 40 ili 26,8 %
UKUPNO	15	20	- 5 ili 25 %	132	120	+ 12 ili 10 %	762	739	+ 23 ili 3,1 %

Starosna struktura lica povrijeđenih u saobraćajnim nezgodama je sljedeća: od 31 do 40 godina – 194 lica, od 25 do 30 godina – 164 lica, od 41 do 50 godina – 129 lica, od 21 do 24 godine – 108 lica, od 51 do 65 godina – 108 lica, itd.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju ostalih – 6.617 (pet lica poginulo i 532 lica povrijeđena), neprilagođena brzina- 1.180 (devet lica poginulo i 305 lica povrijeđeno), uticaj alkohola – 153 (jedno lice poginulo i 54 lica povrijeđena), odron na putu - dvije saobraćajne nezgode sa materijalnom štetom i uticaj opojnih droga – jedna saobraćajna nezgoda (tri lica povrijeđena).

Evidentirano je 270 saobraćajnih nezgoda (53 manje) u kojima su učestvovali inostrani vozači i 43 saobraćajne nezgode (sedam manje), u kojima su učestvovala vozila EUFOR-a, OHR-a i diplomatskog kora (povrijeđen jedan vozač).

AKTIVNOSTI SLUŽBENIKA POLICIJE IZ OBLASTI SIGURNOSTI SAOBRAĆAJA

U sklopu redovnih aktivnosti, službenici policije su kontrolisali ukupno 135.686 vozila (77.703 manje).

Zbog tehničke neispravnosti, iz saobraćaja je isključeno 296 vozila (14 manje), 2.146 vozača je zatečeno da upravlja vozilom pod dejstvom alkohola (1.744 manje), 6.861 bez korištenja sigurnosnog pojasa (3.011 manje), 1.939 bez položenog vozačkog ispita (679 manje), a 1.525 vozača je učestvovalo u saobraćaju bez važeće registracije (600 manje).

Zbog kršenja propisa iz oblasti sigurnosti saobraćaja uručen je 99.851 prekršajni nalog vozačima (35.849 manje), podnesena 593 zahtjeva za pokretanje prekršajnog postupka (104 više) i registrovana 42 krivična djela zbog ugrožavanja sigurnosti javnog prometa (24 manje).

MIRUJUĆI SAOBRAĆAJ I KONTROLA PJEŠAKA

Tokom perioda januar – septembar 2014. godine, pripadnici Uprave policije su uručili 35.796 prekršajnih naloga vozačima koji nisu poštivali saobraćajne propise prilikom parkiranja (12.680 manje u odnosu na isti period prošle godine), upozorili 4.203 vozača (850 manje), a specijalnim vozilom „pauk“ su premjestili 1.803 vozila (487 manje). Zahtjeva za pokretanje prekršajnog postupka nije bilo.

ZAKONITOST U RADU

Tokom perioda januar-septembar 2014. godine, registrovano je 38 napada na policijske službenike (13 više). U napadima je učestvovalo 80 lica, među kojima je pet maloljetnika. Tom prilikom su povrijeđena 152 policijskih službenika, od čega 12 teže i 140 lakše.

Službenici policije su tokom izvještajnog perioda 38 puta opravdano upotrijebili silu (četiri manje).

Tokom perioda januar-septembar 2014. godine, registrovane su 273 predstavke, među kojima je za 68 predstavki (osam manje) data saglasnost za sprovođenje unutrašnjih istraga, za 195 predstavki je donesen zaključak da su neosnovane, u tri slučaja predstavke su pripojene već otvorenoj istrazi, u tri slučaja dostavljene Sektoru krim. policije, u dva slučaja stranka je odustala od žalbe, u jednom slučaju je nastupila zastara vođenja postupka, dok se u jednom slučaju radi o predstavci koja spada u nadležnost drugih organa.

Postupano je po 17 predstavki iz ranijeg perioda tako da je razmatrano ukupno 85 predstavki (tri manje).

Okončano je 66 predstavki, među kojima je 26 osnovanih, u 21 slučaju nije bilo dovoljno dokaza, u 11 slučajeva predstavke su neosnovane, u tri slučaja oslobađajuće, u tri slučaja obustavljene, dok je u dva slučaja stranka odustala od žalbe.

AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE I AKCIJE „ŽETVA 2014.“

U periodu januar – septembar 2014. godine evidentirano je 68 krivičnih djela koja su regulisana Zakonom o nabavljanju, držanju i nošenju oružja i municije (14 manje), počinjena od strane 70 lica, od kojih su 22 lišena slobode.

Od strane Policijskih uprava fizičkim licima izdata su 593 odobrenja za nabavku vatrenog oružja (60 više), 749 oružnih listova (23 manje) i izvršeno 108 zamjena oružnih listova za fizička lica (118 manje).

U sklopu aktivnosti na oduzimanju nelegalno posjedovanog oružja i drugih predmeta oduzeta su: 43 pištolja, 30 pušaka, 129 noževa ili drugih oštrih predmeta, 13 ručnih bombi, sedam boksera, 2.192 kom. municije različitog kalibra, 36 petardi, itd.

U ovom periodu organizacione jedinice ovog Ministarstva, u saradnji sa štabovima Civilne zaštite, EUFOR-om, EUPM-om i Oružanim snagama BiH, aktivno su učestvovala u realizaciji akcije „ŽETVA 2014“s ciljem prikupljanja minsko-eksplozivnih sredstava, oružja, municije i druge vojne opreme. U navedenoj akciji između ostalog prikupljeno je slijedeće naoružanje:

- ručne bombe – 83 komada.,
- mine, trombloni, granate i sl – 44 kom.,
- pištolji – pet kom.,

- puške – pet kom.,
- pakovanje eksploziva – jedan kom.,
- municija raznog kalibra – 1.198 komada., itd.

RAD POLICIJE U ZAJEDNICI

U okviru Rada policije u zajednici u periodu januar- septembar ove godine realizovane su brojne aktivnosti sa ciljem što efikasnije povezanosti i partnerstva policije i zajednice. S tim u vezi, održavani su redovni sastanci i kontakti sa nadležnim strukturama, kao i sa policijskim službenicima zaduženim za ovu oblast, sagledavano stanje u oblasti rada policije u zajednici u funkciji redovnog policijskog rada, ostvarivan neposredan uvid u stanje i rezultate, te sagledavane mogućnosti i pravci daljeg rada u ovoj oblasti.

Između niza aktivnosti koje su provođene u cilju što uspješnije realizacije Rada policije u zajednici i unapređenja saradnje sa društvenom zajednicom u proteklom periodu izdvajamo sljedeće:

- *Ostvarivana je saradnja sa “Sarajevskim otvorenim centrom” u provođenju projekta “Coming out! Zagovaranje i zaštite prava LGBT osoba”- nastavak dalje saradnje na treninzima i senzibiliziranju policijskih službenika u radu sa LGBT osobama u Kantonu Sarajevo, u organizaciji i pod pokroviteljstvom Kancelarije Europske komisije u BiH.*
- *U organizaciji Sarajevskog otvorenog centra i Fonda otvoreno društvo BiH” održano je predavanje na temu “Kako se postiže duboka društvena modernizacija” slučaj Španije u vezi postupanja sa LGBT osobama, uz prisustvo koordinatora i RPZ policijski službenici.*
- *U sklopu realizacije aktivnosti iz “Akcionog plana za prevenciju maloljetničkog prijestupništva i rad sa maloljetnicima u sukobu sa zakonom 2014-2016.” održani su sastanci i predavanja u dvije srednje škole na temu “Neka znanje bude tvoje jedino oružje”.*
- *Takođe, u sklopu prethodnog akcionog plana za prevenciju maloljetničkog prijestupništva preduzimane su brojne aktivnosti u vezi organizacije i neometanog obezbjeđenja provođenja manifestacije „11 Kids festival – Sarajevo 2014“, koji je održan u KSC „Zetra“ u vremenu od 06.06. do 10.06. 2014. godine. S tim u vezi ostvarivani su kontakti sa partnerskim institucijama i nevladinim organizacijama u cilju pripremanja materijalne podrške u sudjelovanju na ovoj manifestaciji, utvrđen je plan aktivnosti MUP-a KS, distribuirani plakati u cilju obavještenja osnovnih škola o održavanju manifestacije i preduzimane druge aktivnosti kako bi festival protekao u najboljem redu. Kao dio aktivnosti rada policije u zajednici službenici policije su iskoristili ovu priliku za druženje sa djecom, za predstavljanje svoga rada i edukaciju djece o sigurnosti u saobraćaju i drugim pitanjima iz oblasti svoga rada.*
- *Organizovan je radni sastanak predstavnika Uprave policije sa predstavnicima NVO „Prava za sve“, u vezi aktivnosti predmetne NVO koje imaju za cilj pomoć institucijama u Kantonu Sarajevo i izradi i donošenju interne antidiskriminacijske politike i procedura u postupanju u slučajevima diskriminacije, itd.*

- *Izvršeno prikupljanje podataka i sačinjavanje izvještaja u vezi organizacije i neometanog obezbjeđenja provođenja manifestacije „11. Kid's festival - Sarajevo 2014“ koji je održan u KSC „Zetra“ u vremenu od 06.06.2014. do 10.06.2014. godine.*
- *Organizovano je preuzimanje i distribucija plakata Centra za promociju civilnog društva – „Zaustavimo nasilje nad djecom“, a u okviru projekta koji se sprovodi u skladu sa „Strategijom za borbu protiv nasilja nad djecom u BiH“,*
- *Izvršena analiza Finalnog izvještaja Procjena institucionalnih kapaciteta u borbi i suzbijanju interne korupcije u Upravi policije MUP-a Kantona Sarajevo, a koja je obavljena od strane eksperata EU vezanih za projekte podrške agencijama za provođenje Zakona u BiH, te mogućnosti i usmjeravanje daljeg razvoja aktivnosti rada policije u zajednici u ovom pravcu, itd.*

POSLOVI ADMINISTRACIJE

Organizacione jedinice u sjedištu su kroz interne dostavne knjige zaprimile 50.249 predmeta i akata (11,5% više u odnosu na period januar-septembar 2013. godine kada je zaprimljeno 45.080 predmeta).

U oblasti upravnog rješavanja po zahtjevu stranke i službenoj dužnosti ukupno je zaprimljeno 3.098 predmeta (77,3% više u odnosu na isti period 2013. godine – 1.747 predmeta), od čega 538 upravnih i 2.560 van upravnog postupka.

Svi predmeti prvostepenog postupka su riješeni u zakonskom roku.

Na području Kantona Sarajevo u proteklih devet mjeseci 2014.godine ukupno je izdato 37.114 pasoša.

(22,7% manje u odnosu na period januar–septembar 2013. godine kada je izdato 47.999 pasoša)

Također, u istom izvještajnom periodu izdato je:

-ličnih karata 100.519

(86% više u odnosu na period jan-sept. 2013. godine - obrađeno 54.004 ličnih karata)

-vozačkih dozvola 49.508

(139% više u odnosu na period jan-sept. 2013. godine - obrađeno 20.727 vozačkih dozvola).

U navedenom periodu obrađeno je 151.386 zahtjeva za registraciju motornih vozila, dok je u istom izvještajnom periodu 2013.godine obrađeno 160.461 zahtjev.

Sarajevo, 30.10.2014.godine

**Odjeljenje za odnose sa javnošću
MUP-a Kantona Sarajevo**